

tionibus processum, seu bannimentorum, aut decretorum pro tempore rogatos, jubemus exigua, & tenui mercede per vosmet ipsos taxanda in Romana Curia, extra eam vero duobus tantum julis pro rogatu cuiuslibet abolitionis, & uno pro rogatu cautionis, seu fideiussionis omnino contentos esse, nec quicquam ulterius etiam pro atramento, cera, capsula, cordulis, sigillo, carta, labore petere, seu pratendere, aut oblatum recipere posse, & si receperint, poenam privationis officii Tabellionatus, & inhabilitatis perpetuae ad illud exercendum, ac exilii perpetui a tota ditione praedicta ipso facto incurrere.

Confirmatio Bullarum pro hibentium m. Legatus, & Baronibus remissionis bannitorum.

§.7. Caterum omnes, & quascumque Romanorum Pontificum Praedecessorum, nostrorum Constitutiones, & literas Apostolicas, per quas in genere, vel in specie quibuscumque Legatis, Vice-Legatis, Praesidibus, Gubernatoribus, & Officialibus Civitatum, Provinciarum, & locorum diste ditionis temporalis Ecclesiae, quavis dignitate, & praerogativa, etiam Cardinalatus honore fulgentibus, necnon Baronibus, & Domicellis, seu Dominis temporalibus Terrarum, Castorum, & locorum diste ditionis, quavis etiam marchionali, & Ducali, vel alia majori auctoritate gradu, aut titulo insignitis, merumque, & mixtum Imperium, & gladii potestatem habentibus, bannitos, & sicarios praedictos absolvendi, seu cum eis componendi, vel ad quamcumque gratiam admittendi facultas admittitur, & denegatur, illarum tenores praesentibus pro expressis habentes, harum serie approbamus, confirmamus, & innovamus, illasque firmiter, & inviolate observari jubemus.

Annullatio huiusmodi remissionum.

§.8. Distinctius inhibentes unicuique ex supradictis, ne quis eorum tale quidpiam attentare audeat, vel praesumat, & nihilominus quascumque per eos forsan de facto concedendas gratias eo ipso nullas, irritas, & invalidas esse, & ceteri, viribusque, & effectu omnino carere, nec ipsis impetrantibus prodesse, aut suffragari.

Easque condempnit poena.

§.9. Contra ipsos vero concedentes, cuiuscumque status, gradus, nobilitatis aut conditionis fuerint, etiam per viam inquisitionis, querelae, aut ex mero officio, tam in Syndicatu, quam alias, quodcumque, ad poenas non solum in praedictis Constitutionibus contentas, verum ad alias etiam graviores, privationis officiorum, dignitatum, & feudorum per eos obtentorum, inhabilitatisque ad illa, & alia in posterum obtinenda, infamiae, atque ignominiae perpetuae, sine ulla spe veniae, procedi debere statuimus, & decernimus.

Clausula de rogatorie.

§.10. Non obstantibus praemissis, ac nostris, aliisque Apostolicis Constitutionibus, & Ordinationibus, etiam contra huiusmodi homicidas, bannitos, & alios facinorosos quomodolibet editis, privilegiis quoque, indulgentiis, & literis Apostolicis in contrarium quomodolibet concessis, & innovatis, cuiuscumque tenoris existant, per quae praesentibus, nostrisque huiusmodi literis

non expressa, aut omnino non inserta, effectus gratiarum a vobis earumdem praesentium auctoritate faciendarum impediri valeat quomodolibet, vel differri, & de quibus, eorumque totis tenoribus habenda esset in nostris, vel vestris literis huiusmodi mentio specialis, ceterisque contrariis quibuscumque.

Limitatio huius facultatis ad biennium.

§.11. Volumus autem facultatem vobis per praesentes concessam huiusmodi, lapsa biennio a data praesentium numerando omnino expirare.

Abolutis injungenda est poena facultatis a Confessariis.

§.12. Quodque ii, qui praedictam libertatem, & indulgentiam in vim praesentium obtinuerint, poenitentiam salutarem sibi postmodum per Confessarios idoneos a locorum Ordinariis approbatos, quibus plenam super praedictis facultatem concedimus, injungendam adimplere teneantur.

Transumptis credi jubet.

§.13. Earumdem vero praesentium exemplis etiam impressis &c.

Dat. Pa. An. I. die 3. Nov.

Datum Romae apud Sanctum Petrum, sub Annulo Piscatoris, die 3. Novembris 1592. Pontificatus nostri Anno I.

LX.

Confirmatio Erektionis Collegii Anglicani in Oppido Vallisoleti, Palentinæ Diocesis.

Ex Regest. in Secret. Breve.

CLEMENS PAPA VIII.

Ad perpetuam rei memoriam.

CUM nullum firmius praesidium, aut remedium certius inveniri possit adversus eos, qui suis pravis, & erroneis opinionibus Romanam Ecclesiam labefactare conantur, quam & Regnum ab hac peste oppressarum juventus cujus teneros animos facile est ad virtutem incitare, catholica Religione imbuantur, ac nuper id pie, & attente considerans Charissimus in Christo filius noster Philippus Hispaniarum Rex Catholicus, cujus egregiam, & vere catholico Rege dignam munificentiam, & liberalitatem multi juvenes ex illo miserissimo Angliae Regno magnis quondam opibus floridissimo, & catholice fidei studio flagrantissimo, nunc vero maximis difficultatibus oppresso, ac teterrima heresis labe devastato, illuc profugi experti sunt, Collegium Anglicanum in Oppido Vallisoleti, Palentin. Diocesis, ad omnipotentis Dei laudem, & gloriam, & Anglorum, qui, pro fide catholica, voluntarium a dicto Regno exilium sibi elegerunt, quippe aliquando suos Cives a via veritatis declinantes erudiant, subventionem erigi, & institui curaverint, illique pro manutatione juvenum, & aliarum personarum inibi pro tempore commorantium, certos redditus annuos assignaverit, nec non per dilectum filium Nobilem virum Antonium Sueffe, & suum apud Nos, Sedemque Apostolicam Oratorem, nobis humiliter supplicare fecerit, quatenus erektionem, & institutionem praefatas confir-

Philippus II. Vallisoleti Collegii pro Alumnis Anglis crexit.

Et Apostolica auctoritate confirmari preceperit.

mare, aliasque in praemissis opportune providere, de benignitate Apostolica dignemur.

Confirmatio Clemens.

§. 2. Nos pium, & nunquam satis laudatum Philippi Regis propositum, & opus plurimum in Domino commendantes, huiusmodi supplicationibus inclinati, erektionem, & institutionem dicti Collegii, & omnia, & singula inde sequuta, Apostolica auctoritate, ex certa nostra scientia approbamus, & confirmamus, ac omnes, & singulos, tam juris, quam facti defectus, si qui intervenerint in istem supplementum.

Sub Sedis Apostolicae provisione recipit.

§. 3. Nec non Collegium ipsum pro illius salubri directione, & felici incremento, Rectorem, Scholasticos, & Ministros dicti Collegii, ac omnia, & singula illius bonamobilia, & immobilia, cuiuscumque qualitatis, & quantitatis fuerint, sub nostra, ac B. Petri, ac huius sanctae Sedis Apostolicae protectione, immediate, suscipimus, ac nobis, & eidem proflus subijcimus.

Et regimini PP. Societatis Jesu committit.

§. 4. Nec non regimen, & gubernium immediatum dicti Collegii, Generali, & Provinciali Societatis Jesu in Regno Castellae, & Rectori ipsius Collegii ab ipsis designato supponimus, ita tamen, quod in causis gravibus, quae per ipsos expediri non poterint, ad personam nominandam per dilectum filium nostrum Guilielmum Alanum, Tituli S. Martini in Montibus, Presbyterum Cardinalem Angliae nuncupatum, qui omnimodas vices suas alteri demandare, quoties ei visum fuerit, & demandatas quodcumque revocare possit, recurratur.

Oeconomus rationem suae administrationis Rectori reddere debet.

§. 5. Quodque Oeconomus, & alii Ministri, & servientes in dicto Collegio ipsi Rectori, & Ministro, seu Vice-rectori subint, & ad eius praescriptum, & mandatum omnino obsequantur, ipseque Oeconomus dicto Rectori volenti, & requirenti, bis in anno, vel quotiescumque ei visum fuerit, rationem de administratis reddere teneatur.

Huius Collegii similia Collegiorum privilegia conceduntur.

§. 6. Praeterea Rectori, Collegio, & Scholaribus praefatis, quod donec illud duraverit, omnibus, & singulis privilegiis, exemptionibus, libertatibus, gratiis, favoribus, praerogativis, indulgentiis, & Indultis, quibus Collegia Anglorum, & Germanorum, ac alia Collegia, & Pia Loca in Urbe, & Collegia Anglorum Remense, in Gallia, & Collegium S. Crucis in dicto Oppido Vallisoletano, ac in eis degentes personae quomodolibet utantur, fruuntur, potiuntur, & gaudent, ac uti, potiri, & gaudere poterunt in futurum, quorum omnium tenores hic haberi volumus pro expressis.

Praesentium licentiarum transumptis integra danda sunt.

§. 7. Et tam eorum omnium, quam praesentium, etiam impressis Transumptis, manu alicujus Notarii publici, & sigillo personae in dignitate Ecclesiastica constitutae munitis, eandem fidem, quae ipsis originalibus adhiberetur, ubique in iudicio, & extra haberi debere decernimus, non solum ad instar, sed pariformiter, & aequae principaliter uti, frui, potiri, & gaudere possint, illudque inter illa annumeretur.

Bull. Rom. Tom.V. Par.I.

§. 8. Ac Cappellam, sive Ecclesiam, in via Sanctissimum Eucharistiae Sacramentum recondatur, & Campanas pro Missis, & sepulturis significandis, & alia huic novo Collegio necessaria habere valeant.

1592. Privilegia Cappellae Collegii concessa.

§. 9. Quodque ipse Rector unum ex Alumnis dicti Collegii pro tempore constituere possit, qui sit ejus Domus Parochus, & illorum omnium inibi habitantium, prout sit in Collegio Anglicano in Urbe instituto, nec non in defectum huiusmodi Alumnii, ipse Rector, aut quivis alius dicti Collegii Presbyter, de ipsius Rectoris licentia, possit supplere Officium Parochi praefatum in administrandis Confessionibus, Sanctissimae Eucharistiae, ac extremae Unctionis Sacramentis, & sepelliendis mortuis dicti Collegii, indulgemus.

Eique iuxta Parochiae quoad inibi commorantes additur.

§. 10. Praeterea volumus, quod admissio, & exclusio Alumnorum in dicto novo Collegio pro tempore existentium, tam circum numerum, quam qualitates personarum, sit de voto, & sententia Provincialis Societatis Jesu Regni Castellae praefati, aut illius, cui idem ipse Provincialis committet, & dicti novi Collegii Rectoris, cum approbatione personae, cui ipse Guilielmus Cardinalis committet.

Forma admittendorum Alumnorum.

§. 11. Quodque Alumnii huius Collegii in pietate, devotione, cantu, & caeremoniis ecclesiasticis, & sacris Officiis, prout melius ipsis superioribus visum fuerit, exercentur, ac sint Angli nativi, vel Anglorum filii, videlicet alicujus Provinciae Insulae Angliae dumtaxat, ac eorum approbationes, & admissiones fiant juxta testimonia, quae secum adferent, ab eodem Cardinali, aut Rectoribus Collegiorum Anglorum de Urbe, vel Remensis, aut aliorum primariorum Nationis Anglicanae, habitantium in Regnis Hispaniarum, aut aliis in locis, qui pro catholicis habitentur, & noti existunt, & notitiam admittendorum habere possunt, & hac omnia fiant juxta peculiarem, & privatam institutionem, quam idem Guilielmus Cardinalis de hoc, & aliis rebus in scriptis mittet ad ipsum Rectorem, aut alium in dicto Oppido Vallisoleti pro tempore commorantem, cui idem Guilielmus Cardinalis vices suas committet.

Eorumdem qualitates.

§. 12. Ad haec, Superioribus dicti novi Collegii, illos, quos in dicto novo Collegio idoneos esse repererint, in facultatibus Artium, & Theologiae, ad Baccalaureatus, Licentiatum, & Magisterii gradus, servata forma Concilii Viennensis, promovendi, & ipsorum graduum solita in eis Regionibus insignia exhibendi, qui sic promoti omnibus gratiis, favoribus, Indultis, privilegiis, praerogativis, antelationibus, quae promotis in Oxoniensi, & Cantabrigiensi in Anglia Academicis, de jure, vel consuetudine, seu privilegio concessa sunt, pariformiter, & aequae principaliter potiuntur.

Privilegia laudandi.

§. 13. Ac quaecumque statuta, & ordinationes, licita tamen, & honesta, ac sacris Canonibus, & Concilio Tridentino non contraria, ad prosperum, & salubrem dicti novi Collegii statum, & gubernium condend.

Facultas Constitutiones edendi.

Ecc 2

Sacros Ordines extra tempora, sine Titulo, & a quo cumque suscipiendi.

dendi, & condita, pro temporum varietate, mutandi, ac illorum loco alia subrogandi, & suffiendi licentiam, & facultatem concedimus.

§. 14. Nec non iisdem Alumnis, ut de Rectoris ipsius novi Collegii licentia, & examine precedente, etiam extra tempora à jure statuta, & interstitiis temporum à Concilio Tridentino præscriptis non expectatis, & absque suorum Ordinariorum literis Dimissorialibus, ac sine aliquo Beneficii, vel Patrimonii Titulo, & non obstante quovis natalium defectu, ad omnes etiam sacros, & præbyteratus ordines, à quibusvis Archiepiscopis, & Episcopis, gratiam, & communionem Apostolicæ Sedis habentibus, promoveri, & promoti in illis etiam in Altaris ministerio ministrare, utque ipsi Archiepiscopi, Episcopi Alumnis prædictis Ordines hujusmodi conferre libere, & licite valeant, quemadmodum Collegio Anglorum in Urbe instituto hujusmodi privilegium à se. re. Gregorio PP. XIII. Prædecessore nostro concessum est, de specialis dono gratiæ dispensamus.

Juramentum ab Alumnis præstandum.

§. 15. Ac insuper juramentum, quod solent præstare Alumni Collegii Angliæ de Urbe, post sex Menses suarum approbationum pro arbitrio Rectoris, videlicet, se paratos fore de mandato Superiorum dicti Collegii vitam ecclesiasticam, & sacros Ordines suscipere, & deinde in Angliam ad juvandas Animas proficisci, censemus, in hoc novo Collegio instituendum.

Qui in Angliam, Hiberniam, & Scotiam ad Missiones exercendas à Provinciali mittantur, acceptis ab eo necessariis facultatibus Sacramento admittendi, & absolvendi.

§. 16. Ac electionem hujus temporis, & personarum mittendarum, iudicio Rectoris ipsius novi Collegii remittimus, cum approbatione Provincialis dictæ Societatis: qui Rector cum ipso Provinciali Sacerdotibus mittendis in Angliam, & Hiberniam, facultatem ministrandi omnia Sacramenta ecclesiastica, excepto confirmationis Sacramento, & ordinis, nec non quascumque personas in Angliam, Scotia, vel Hibernia commorantes ad gremium Sanctæ Matris Ecclesiæ occurrentes, aut jam sub ea viventes confessionibus earum diligenter auditis, ab omnibus peccatis, excessibus, censuris, & delictis quantumcumque gravibus, & enormibus, etiam in die Cœnæ Domini legi solitis, contentis, & Sedi Apostolicæ reservatis, (conspirationis in personam, vel statum Romani Pontificis, falsitatis literarum, & scripturarum Apostolicarum, delationis Armarum, vel aliorum prohibitorum ad Partes Infidelium, iniectionis manuum violentarum in Prælatos dumtaxat exceptis) absolvendi, & omnes alias ad conversionem animarum, & hæresum extirpationem spectantes, & necessarias facultates à Romanis Pontificibus Prædecessoribus nostris, aliis Sacerdotibus, ad hoc opus antea missis, concessas, impertiantur.

Collegium committitur curæ Præpositi Generalis Soc. Jesu.

§. 17. Et ut præmissa omnia suum debitum consequantur effectum, regimen, & gubernium, ac statum hujus novi Collegii, nunc, & pro tempore existentis Generali Societatis Jesu, ut de Rectore, & aliis Ministris sufficientibus, & idoneis dicto novo

Collegio, pro tempore providere curet, in Domino plurimum commendamus.

Et Card. Alani Protektoris

§. 18. Rogantes quoque dictum Gulielmum Cardinalem, quem ob ejus doctrinam, integritatem, prudentiam, pietatem aliasque animi eximias Dotes, necnon ob longam Anglicanarum rerum experientiam, & usum in mittendis, & providendis Operariis necessariis, & ob singularem, quem erga suos Cives amorem gerit, ad id munus aptissimum confidimus, ac Hispaniarum Regem Catholicum, necnon Archiepiscopos, Episcopos, & alios Prælatos, ac Proceres, & Primates dictorum Regnorum Hispaniarum, & præsertim Præsidentem Consilii Regii in dicto Oppido Vallisoletani, & alios Regios Ministros, ut dicto novo Collegio in omnibus operam ferant, ipsi Gulielmo Cardinali mandantes, ut hujusmodi Collegii curam in spiritualibus suscipiat, atque de Alumnis idoneis provideat.

Et Protectioni Regis Catholici.

§. 19. Prædictum vero Regem, & Præsidentem Consilii Regii in dicto Oppido, ut hujus novi Collegii, & personarum in eo pro tempore degentium omnimodam curam, defensionem, & protectionem in temporalibus in se suscipiant, ipsique pro nostra, & dictæ Sedis Apostolicæ reverentia, propensius commendatum habentes in ampliandis, & conservandis juribus Collegii, & personarum in eo pro tempore existentium, sic eos benigni favoris auxilio prosequantur, quod ipsi eorum fulti præsidio, in præmissis, Deo propitio, prosperari possint, ac eidem Philippo Regi à Deo perennis vitæ præmium, & à nobis condigna proveniat actio gratiarum, ipseque Gulielmus Cardinalis propterea divinam misericordiam, ac nostram, & dictæ Sedis gratiam valeat uberius promereri.

Facultas Rectori concessa iudicem Collegii deputandi.

§. 20. Postremo concedimus facultatem Rectori dicti novi Collegii pro tempore existenti, Judices nominandi, & deputandi Rectorem Collegii S. Crucis pro tempore existentis, vel quemcumque alium in dignitate ecclesiastica constitutum dicti Oppidi Vallisoletani, qui omnes, & singulas causas civiles, & criminales, & mixtas dicti novi Collegii, ac illius Collegialium, & Officialium, & Ministrorum, Religiosis Societatis Jesu exceptis, necnon res, jura, actiones, & Bona private quoad alios, etiam summarie, simpliciter, & de plano, & sine strepitu, & figura iudicii, manu Regiæ, nullaque tela judiciaria servata, sed sola facti veritate inspecta, ac etiam omni, & quacumque appellatione remota, audiant, cognoscant, decidant, ac sine debito terminent, cum facultate quoscumque citandi, ac quibus, & quoties inhibendum fuerit, etiam sub pœnis pecuniariis, & aliis eorum arbitrio imponendis, ac in subsidium juris censuris ecclesiasticis inhibendi, ceteraque omnia in præmissis, & circa ea quomodolibet necessaria, & opportuna faciendi, & exequendi.

Exequutores hujus Constitutionis designati.

§. 21. Quocirca universis, & singulis venerabilibus fratribus Patriarchis, Archie-

piscopis, Episcopis, ac dilectis filiis Abbatibus, Prioribus, & aliis personis in dignitate ecclesiastica constitutis dictorum Regnorum Hispaniarum, & dicti Oppidi Vallisoletani, & in particulari venerabilibus fratribus Episcopis Salamantin. Legionen., & Segovien. nunc, & pro tempore existentibus, & dilectis filiis D. Alphonso de Mendoza, Abbati Vallisoletano, & D. Francisco de Reynoso Abbati de Usillos per presentes, motu simili mandamus, quatenus ipsi, & eorum quilibet per se, vel alium, seu alios, presentes literas, & in eis contenta quacumque ubi, & quando opus fuerit, aut quoties pro parte Rectoris dicti novi Collegii, pro tempore existentis, fuerint requisiti, solemniter publicantes, dictoque Rectori, & novo Collegio in præmissis efficacis defensionis præsidio assistentes, faciant auctoritate nostra illos decreto, confirmatione, concessione, Indulto, licentia, facultate, ac aliis præmissis pacifice gaudere, ac easdem presentes literas, & in eis contenta quacumque perpetuo inviolabiliter observari, non permittentes eos super eisdem præmissis, vel eorum aliquo, per quoscumque Judices, vel personas cuiuscumque status, gradus, aut conditionis existant, quacumque etiam auctoritate fungantur, publice, vel occulte, directe, vel indirecte, tacite, vel expresse, quovis quæsito colore, vel ingenio, impediri, molestari, vel alias quomodolibet inquietari, contradicentes quoslibet, & rebelles per censuras ecclesiasticas, & alia juris opportuna remedia, appellatione postposita compescendo, invocato etiam ad hoc, si opus fuerit, auxilio brachii secularis.

Derogatio contrariorum.

§. 22. Non obstante nostra de non concedendis Indulgentiis ad instar, aliisque Constitutionibus, & Ordinationibus Apostolicis, neque dicti Oppidi, & illius Tribunalium juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & literis Apostolicis sub quibuscumque tenoribus, ac formis, ac cum quibusvis clausulis, & decretis in genere, vel in specie, ac alias in contrarium quomodolibet concessis, approbatis, & innovatis, quibus omnibus eorum tenores presentibus pro expressis habentes, illis alias in suo robore permanens, hac vice dumtaxat, specialiter, & expresse derogamus, ceterisque contrariis quibuscumque.

Dat. die 3. Novembris 1592. An.I.

Datum Romæ apud Sanctum Petrum sub Annulo Piscatoris die 3. Novembris 1592., Pont. nostri Anno primo.

Confirmatio Sententiarum per Lutium. Sanseverinum, U. S. Referendarium, occasione Visitationis Basilicarum, Monasteriorum, & Locorum Piorum Urbis, illiusque Districtus latorum super quibuscumque Causis.

Et Reges. in Secr. Brevis.

Dilecto filio Magistro Lutio Sanseverino in utraque Signatura nostra Referendario.

CLEMENS PAPA VIII

Dilecte fili salutem, & Apostolicam benedictionem.

§. 1. CUM tu, quem nos nuper Judicem ordinarium, & exequatorem quarumcumque causarum, tam civilium, quam criminalium, occasione visitationis Ecclesiarum, Monasteriorum, & Piorum Locorum Urbis, & illius Districtus, Virorum, & Mulierum in iudicium quoquo modo deductarum, & deductarum per alias nostras literas deputavimus, prout in illis latius continetur, in nonnullis quandoque causis per nos tibi sive oretenus, sive per rescriptum supplicum, Libellorum, Memorialium nuncupatorum, ac per Visitatores, seu Coadiutores Visitationis hujusmodi per nos deputatos, seu alterum ipsorum, commissis, iudicari, quarum aliquæ ad munus Visitationis prædictæ non spectare, aliæ vero specialem commissionem, & particulare rescriptum manu nostra firmatum requirere videbantur.

Visitator nonnullas Causas definitur, quæ speciali commissione indigent.

§. 2. Nos, ne ullo umquam tempore, etiam ex eo, quod de voto dictorum Coadiutorum, in earundem causarum expeditione per te capto forsitan non constet, de gestorum per te validitate, aut de tua jurisdictione, & auctoritate quoquo modo dubitari contingat, omnium, & singularum hujusmodi causarum coram te hæcenus introductarum, & forsitan expeditarum status, & merito, qualitates, & circumstantias, necnon omnium, & quorumcumque per te gestorum tenores presentibus pro expressis habentes, Motu proprio, & ex certa nostra scientia, ac de Apostolicæ potestatis plenitudine, omnia, & singula per te hæcenus in quibuscumque causis coram te introductis, sive ad munus Visitationis hujusmodi spectent, sive non, & quascumque personas, tam laicas, quam ecclesiasticas, cuiusvis sexus, & quacumque auctoritate, dignitate, etiam Episcopali, & majori fulgentes concernant, & sive à Nobis viva voce oraculo, aut per simplex rescriptum Libellorum supplicum, qui Memorialia appellantur, sive à prædictis Visitatoribus, seu Coadiutoribus, tam huc usque deputatis, quam aliis forsitan posthac deputandis, vel aliquo ipsorum, tibi nostro nomine, vel vigore facultatum ipsi à nobis concessarum commissa fuerint, gesta, & acta, decreta, ordinationes, sententias, quacumque etiam

Auctoritate Apostolica eas decimas fuisse declaratas.

exequutioni demandata, non solum de voto dictorum Coadjutorum, sed de expresso ordine, ac mandato nostro fuisse facta, in verbo Romani Pontificis attestatur, eaque omnia, & singula, nec non inde sequuta quęcumque, auctoritate Apostolica tenore presentium confirmamus, & approbamus, illisque Apostolica nostre confirmationis robor adjicimus, omnesque, & singulos, tam juris, quam facti, nec non jurisdictionis, & alios quosvis defectus, si qui in eisdem intervenerint, supplemus.

Speciale tenore quod causis pendentes eidem tribuit facultatem.

§. 3. Atque omnia, & singula præmissa, nec non quęcumque per te posthac in quibuscumque similibus, vel dissimilibus causis, de simili viva vocis oraculo, rescriptoque, & commissione nostris, nec non dictorum Coadjutorum, tam deputatorum, quam posthac deputandorum, sive nostro nomine, sive vigore suarum facultatum ordine per te assumendis, & coram te introducendis, gerenda, decernenda, ordinanda exequenda, sententiasque ferendas, & alia quęcumque acta faciendi, valida, firma, & efficacia esse, & fore, perinde ac si particulari ad ea fuisses, & esses facultate, & Jurisdictione suffultus, aut specialem in illis omnibus, & singulis a nobis commisionem, etiam manu nostra signatam obtinisses, & obtineres, de quibus omnibus, & singulis, ac de ipso voto in illis per dictos Visitatores, seu Coadjutores visitationis ferendo, simplici tue attestations, & assertioni stari debere.

Chausite in-
notantes.

§. 4. Sicque, & non aliter per quoscumque Judices ordinarios, & delegatos, etiam causarum Palatii Apostolici Auditores, ac S.R.E. Cardinales, sublata eis, & eorum cuiuslibet quavis aliter iudicandi, & interpretandi facultate, & auctoritate iudicari, & definiti debere, ac irritum, & inane quidquid fecus super his a quoquam, quavis auctoritate, scienter, vel ignoranter contigerit attentari, decernimus, & declaramus. Tibique contra quęcumque personas, tam laicas, quam Ecclesiasticas seculares, & cujuscvis ordinis regulares, quavis auctoritate, & dignitate, etiam Episcopali, & majori fulgentes, ratione hujusmodi causarum, cum resulerit, etiam ad carcerationem, tormenta, & alias quęcumque penas spirituales, & temporales procedendi, sine aliquo irregularitatis, aut pœnarum ecclesiasticarum incurfu, plenam, & liberam facultatem tribuimus, & impartimur.

Derogatio
contrariorum

§. 5. Non obstantibus Constitutionibus, & ordinationibus Apostolicis, stylo Palatii, ac dictę Urbis, & quorumcumque Monasteriorum, Hospitalium, ac Piorum, & religiosorum Locorum, nec non Ecclesiarum, & Basilicarum statutis, & consuetudinibus, etiam juramento, confirmatione Apostolica, vel quavis firmitate alia roboratis, privilegiis quoque, Indultis, & literis Apostolicis quibusvis Locis, Ecclesiis, & personis hujusmodi in contrarium præmissorum quomodolibet concessis, confirmatis, & approbatis: quibus omnibus illorum tenores, presentibus pro expressis habentes, hac vice dumtaxat, specialiter, & expresse deroga-

mus, ceterisque contrariis quibuscumque. Datum Romę apud Sanctum Petrum sub Annulo Piscatoris die 3. Novembris 1592. Pont. Nostri Anno primo.

Dat. die 3.
Novembris
An.I.

XLII.

De Sacris Bibliis juxta exemplar Typographię Vaticanę edendis.

Ex Regest. in
Secret. Bre.

CLEMENS PAPA VIII.

Ad perpetuam rei memoriam.

Um sacrorum Bibliorum vulgata editionis Textus, summis laboribus, ac vigiliis restitutus, & quam accuratissime mendis expurgatus, benedicente Domino, ex nostra Typographia Vaticana in lucem prodeat: Nos, ut impostero idem Textus incorruptus, ut decet, conservetur, opportune providere volentes, auctoritate Apostolica, tenore presentium, districtius inhibemus, ne intra decem annos a data presentium numerandos tam citra, quam ultra Montes, alibi, quam in nostra Vaticana Typographia a quoquam imprimatur.

Intra Decennium S. Biblia alibi quam in Vaticana Typographia imprimi vetat.

§. 2. Elapso autem præfato decennio, eam cautionem adhiberi præcipimus, ut nemo hanc sanctarum Scripturarum editionem Typis mandare præsumat, nisi habito prius Exemplari in Typographia Vaticana excusso: cujus Exemplaris forma, ne minima quidem particula de Textu mutata, addita, vel ab eo detracta, nisi aliquod occurrat, quod Typographice incuria manifeste adscribendum sit, inviolabiliter observetur.

Elapso Decennio imprimi jubet juxta exemplar Vaticanum.

§. 3. Si quis vero Typographus in quibuscumque Regnis, Civitatibus, Provinciis, & locis tam nostrę, & S.R.E. ditioni in temporalibus subjectis, quam non subjectis, hanc eandem sacrarum Scripturarum editionem intra Decennium prædictum, quoquo modo: elapso autem decennio, aliter quam juxta hujusmodi Exemplar, ut præfertur, imprimere, vendere, venales habere, aut alias edere, vel evulgare: aut si quis Bibliopola a se, vel ab aliis quibusvis post datam presentium hujus editionis impressos libros, seu imprimendos a præfato restituito, & correcto Textu in aliquo discrepantes, seu ab alio, quam a Typographo Vaticano intra decennium excusos, pariter vendere, venales proponere, vel evulgare præsumperit, ultra amissionem omnium librorum, & alias arbitrio nostro infligendas pœnas temporales, etiam majoris excommunicationis sententiam, eo ipso incurrat, a qua nisi a Romano Pontifice, præterquam in mortis articulo constitutus, absolvi non possit.

Pœna contra Typographos & Bibliopolas inobedientes.

§. 4. Mandamus itaque universis, & singulis Patriarchis, Archiepiscopis, Episcopis, ceterisque Ecclesiarum, & locorum etiam regularium Prælatibus, ut presentes literas in suis quibusvis Ecclesiis, & Jurisdic-

Exequutio presentis Constitutionis locorum Ordinariis commissa.

tionibus, ab omnibus inviolabiliter perpetuo observari curent, & faciant. Contradictores per censuras Ecclesiasticas, aliaque opportuna juris, & facti remedia, appellatione postposita compescendo, invocato etiam ad hoc, si opus fuerit, auxilio brachii secularis.

Derogatio
contrariorum

§. 5. Non obstantibus Constitutionibus, & Ordinationibus Apostolicis, ac in generalibus, Provincialibus, vel Synodalibus Conciliis editis generalibus, vel specialibus, ac quorumcumque Ecclesiarum, Ordinum, Congregationum, Collegiorum, ac Universitatum, etiam studiorum generalium, juramento, confirmatione Apostolica, vel quavis firmitate alia roboratis statutis, & consuetudinibus, ac privilegiis, indultis, & literis Apostolicis in contrarium quomodocumque emanatis, & emanandis, quibus omnibus ad hunc effectum latissime derogamus, ac derogatum esse decernimus.

Transumptum
fides.

§. 6. Volumus autem, ut presentium transumptis, etiam in ipsis voluminibus impressis, eadem in iudicio, & extra fides ubique adhibeatur, quę ipsis presentibus adhiberetur, si forent exhibitę, vel ostensa.

Dat. die 9.
Novembris
An.I.

Datum Romę apud S. Petrum, sub Annulo Piscatoris die 9. Novembris 1592., Pontificatus nostri Anno I.

XLIII.

Privilegia pro Conclavistis, qui in Conclavi, in quo hic Pontifex electus fuit, interfuerunt.

CLEMENS EPISCOPUS
SERVUS SERVORUM DEI

Ad futuram rei memoriam.

Causa indul-
torum.

Æquitati consentaneum censemus, dilectos filios Conclavistas, qui in Conclavi, in quo divina favente clementia, ad summi Apostolatus apicem assumpti fuimus, Nobis, & Venerabilibus Fratribus nostris S. R. E. Cardinalibus, ut familiares domesticis inserviando interfuerant, quique ea de causa labores, vigilias, & incommoda plura subierunt, habita ratione obsequiorum, congruis favoribus, gratiis, & privilegiis pro cujusque meritis exornare.

Conclavista
Pape familia
res sunt nota-
risque Secreti
Apostol. &c.

§. 1. Conclavitas itaque prædictos, ac eorum quemlibet a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine, quavis occasione, vel causa latis, si quibus quomodolibet innodati existunt, & ad effectum presentium dumtaxat consequendum harum serie absolventes, & absolutos fore censentes, eorum supplicationibus hac in parte inclinati, Conclavistas præfatos in veros, indubitatos, & non fictos Familiares, & continuos Commensales nostros, & eos qui ex

illis Clerici sunt, seu militię clericali adscribi desiderant, quosque venerabilis frater noster Alphonfus Episcopus Ostiensis Jesualdus, & dilecti filii nostri tituli S. Marię in Transiberim Presbyter ab Altaemps, ac Franciscus S. Marię in Via Lata Diaconus Sfortia, nuncupati Cardinales, gradu, nobilitate, ac aliis meritis dignos tali honore judicaverint, in nostros, & Apostolicę Sedis Notarios recipimus.

Comitesque
Palatii No-
biles &c.

§. 2. Ac tam illos, quam alios Conclavistas singulos, qui singillatim ab eisdem tribus Cardinalibus dignitatis honore approbati fuerint, Sacri Palatii, & Aula Lateranensis Comites, ac Milites. Ac tam illos, quam omnes, & singulos alios Conclavistas indistincte, qui nobiles non sunt, nobiles quique Urbis, vel alicujus alterius ex aliis Civitatibus temporali dominio nostro, & dictę Romanę Ecclesię mediate, vel immediate subjectis Cives esse voluerint, singulos in ea ipsa Civitate tantum, quam singillatim eorum quisque elegerit, & ad quam ab eisdem Cardinalibus se admitti petierit, veros Cives ad instar, & nulla proflus differentia inter eos, & singulos alios veros originarios antiquissimos, & nobiles, ac participantes Cives ipsius Urbis, & Civitatis, ita ut ipsi in civilitatem, & ipsa civilitas ad quoscumque illorum heredes eodem modo transeat, Apostolica auctoritate tenore presentium creamus, constituimus, deputamus, & nobilitatis, ac civilitatis titulo, honore, & insignibus decoramus, aliorumque familiarium continuorum Commensalium Nobis actu in Palatio nostro Apostolico servientium, & in illius Tinello comedentium, & bibentium, ac nostrarum, & dictę Sedis Notariorum, Palatiique, & Aula prædictorum Comitum Militum, ac Nobilium, & Civium hujusmodi originariorum numero, & consortio favorabiliter aggregamus, ac pro veris, indubitatis, & non fictis familiaribus, continuis Commensalibus, ac Notariis nostris, Comitibusque, Militibus, ac Nobilibus, & Civibus haberi, & reputari volumus, & mandamus.

Et eorum in-
dulgentias
debet.

§. 3. Hisque, ut in quibuscumque impetrationibus, concessionibus, & literis, tam gratiam, quam justitiam concernentibus, se familiares, continuos Commensales nostros, ac Comites, Milites, Nobiles, & Cives etiam originarios nominare, nec propterea impetrationes, concessiones, & literę ipsę subreptionis vitio subiaceant, sed valide, & efficaces existant. Nec non ex nunc deinceps in perpetuum omnibus, & quibuscumque, ac proflus similibus antelationibus, & antelationum prerogativis, privilegiis, libertatibus, immunitatibus, exemptionibus, decretis, declarationibus, derogationibus, mandatis, suspensionibus, honoribus, gratiis, concessionibus, & indultis, ac juribus, quibus alii nostri familiares continui Commensales tempore dictę assumptionis nostrę ad summi Apostolatus apicem, ac quibus alii ejusdem Sedis Notarii etiam de numero participantium exi-

existentes, etiam si habitum, & Rochettum Notariorum dicte Sedis non deferant, Palatiique, & A. le predictorum Comites, ac Milites, & Nobiles, ac etiam originarii, & antiquissimi Cives Urbis, seu Civitatis, quam ut praefertur, elegerint, quique ex utroque parente vere nobile, & Cive originario, & antiquissimo procreati de jure, statuto, consuetudine, vel ex aliquo speciali privilegio, seu alias quomodolibet. etiam quoad assequutionem quorumcumque beneficiorum ecclesiasticorum, etiam per quascumque literas, seu Constitutiones Apostolicas pro tempore editas, utuntur, potiuntur, & gaudent, ac uti, potiri, & gaudere poterunt quomodolibet in futurum, ubique locorum in iudicio, & extra, sine tamen eorumdem Notariorum de numero participantium praedictio, uti, frui, potiri, & gaudere libere, & licite valeant realiter, & integre in omnibus, & per omnia, etiam in Urbe, & Civitate hujusmodi non habitaverint, perinde, ac si de vere nobili genere ex utroque parente nobili originario, & antiquissimo Cive procreati forent, ac hujusmodi prerogativa, privilegia, exemptiones, gratia, favores, concessionem, indulta, & jura, quae pro aliis nobilibus, & civibus originariis emanarunt, & quae ratione nobilitatis, & civilitatis naturalis, & originariae aliis competunt, pro eisdem Conclavistis in specie emanassent, aut emanarent, & eis naturaliter de jure, statuto, consuetudine, fundatione, vel alias competere, indulgemus.

Exemptio solutione decimarum, & impositionum &c.

§.4. Necnon eosdem Conclavistas singulos a solutione, & exactione decimarum, & quascumque pedagii, subsidii, gabellae, & quavis alterius oneris, tam ordinarii, quam extraordinarii, ubicumque locorum, & ex quacumque quantumvis gravi, & urgentissima, ac excogitabili causa, & occasione impostorum, & pro tempore imponendorum, liberamus, & eximimus, liberisque, & exemptos fore, & esse decernimus. Districtus inhibentes, ne exactores pedagiorum, decimarum, subsidii, gabellarum, & onerum hujusmodi, ad aliquam solutionem cogere, & compellere, aut alii quicumque quascumque ecclesiastica, vel secularis dignitatis, status, gradus, ordinis, vel conditionis, eos super praemissis, eorumve usu, possessione, vel quasi, directe, vel indirecte, quovis quaesito colore vel ingenio molestare, vel alias quomodolibet impedire quoquo modo praesument.

Remissio fructuum indebitae perceptorum ob omissionem horarum canonicarum &c. ac etiam irregularitates.

§.5. Ipsique Conclavistis singulis quoscumque fructus, redditus, & proventus ecclesiasticos, ac etiam occasione pensionum annuarum ipsis, vel eorum alicui reservatarum, ratione omissionis horarum canonicarum indebite perceptos, quoscumque quantitatis fuerint, gratiose remittimus, & condonamus. Ac cum eisdem super inhabilitate propterea quomodolibet contracta, vel etiam ex eo, quod censuris hujusmodi ligati, missas, & alia divina officia, (non tamen in contemptum clavium) celebraverint, & alias divinis se immiscue-

rint, ut illa, & aliis praemissis non obstantibus, ad omnes etiam sacros, & presbyteratus ordines, etiam rite promoveri, & in illis, ac susceptis per eos alias rite ordinibus, etiam in altaris ministerio ministrare libere, & licite possint, auctoritate, & tenore praemissis de specialis dono gratiae dispensamus.

§.6. Necnon eosdem Conclavistas, si qui eorum defectum natalium patiuntur ex quocumque damnato, & illicito, non tamen presbyteri coitu forsan procreati sint, legitimamus, omnemque ab illis genituram maculam, sive notam abstergimus, & abolemus, ac cum eorum singulis, ut in quibuscumque bonis paternis, & maternis, ac aliorum consanguineorum, seu cognatorum, vel aliorum quorumcumque, sine tamen praedictio venientium ab intestato, vel ex fideicommissis, vel alia de jure valida dispositione, succedere, & illa donationis, vel alio quovis titulo consequi, & habere. Necnon ad dignitates, honores, & quaecumque alia officia secularia, publica, & privata eligi, & assumi, illaque gerere, & exercere in omnibus, & per omnia, perinde ac si de legitimo matrimonio procreati forent. Ac eodem defectu non obstante, si aliud Canonicum impedimentum eis non obstat, ut clericali charactere, qui illo nondum insigniti sunt, insigniri, & ad omnes, etiam sacros, & presbyteratus ordines, si nondum promoti existunt, promoveri, ac postmodum characterem, & ordinibus hujusmodi, illorumque privilegiis, uti, ac in eisdem ordinibus, etiam in Altaris ministerio ministrare, libere, & licite valeant, dicta auctoritate eorumdem tenore praesentium, etiam de specialis dono gratiae, dispensamus.

Habilitatio legitimorum ad officia secularia &c.

§.7. Et insuper eisdem Conclavistis omnibus, & singulis, quod ratione quarumcumque pensionum ipsis, & eorum cuilibet (non tamen ultra summam centum ducatorum auri de Camera pro quolibet nunc, & pro tempore reservatarum, & reservandarum) in habitu, & tonsura per Constitutionem fel. rec. Sixti Papae V. Praedecessoris nostri desuper editam declaratis, & praerogatis incedere, illosque deferre minime teneantur, & ob non delationem habitus, & tonsurae hujusmodi, amissionis earumdem pensionum, vel alias poenas in dicta Constitutione contentas, nullatenus incurrant, aut incurrisse censentur, dummodo tamen, alias habitum decentem, & honestum deferant, concedimus, & indulgemus.

Dispensatio circa delationem habitus, & tonsurae, pro Conclavistis habentibus pensionem centum ducatorum.

§.8. Praecipimus quoque, & mandamus, quod omnes, & quaecumque gratiae, provisiones, commenda, & quavis alia litera Apostolica, ac etiam in forma brevis pro illis expedienda, gratis ubicumque expediantur, & expediri debeant. Eisdemque Conclavistis in forma Brevis, tam de capienda possessione in nomine Camerae Apostolicae, quam in favorem literarum Apostolicarum, ubi illi super provisionibus quorumcumque beneficiorum ecclesiasticorum dari poterunt, prout nostris familiaribus continuis commensalibus, etiam gratis den-

Littera Apostolica gratis pro eis expediatur.

dentur, & concedantur, ac dari, & concedi omnino debeant. Nec non singulis Conclavistis Beneficiatis, vel ad Sacros etiam Presbyteratus Ordines promotis, non tamen Parochialium Ecclesiarum Rectoribus, seu Vicariis, ut leges, & civilia jura ad quinquennium dumtaxat audire, & in illis gradus consuetos suscipere, & quoscumque actus scholasticos exercere, & postquam idonei reperti fuerint, etiam ad doctoratus gradum promoveri.

Indulgentia quoad pensiones.

§.9. Necnon Conclavistis praedictis, & eorum singulis, ut quicumque loci Ordinarii, vel Canonici Metropolitanis, seu aliarum Ecclesiarum, aut personae in dignitate ecclesiastica constitutae, tam in Romana Curia, quam extra eam, ad id per eos, & eorum singulos eligendi, seu eligendae, quascumque pensiones annuas eis, & eorum singulis super quibusvis fructibus, redditibus, & proventus quorumcumque beneficiorum ecclesiasticorum, cum cura, & sine cura, secularium, & quorumvis Ordinum, & Militiarum, etiam S. Joannis Hierosolymitani, regularium, seu fructus, redditus, & proventus beneficiorum hujusmodi reservatos, usque ad summam centum ducatorum auri de Camera hujusmodi, in toto, vel in parte, ac etiam in mortis articulo cassare, & extinguere, ac postquam cassatae fuerint, alias similes pensiones annuas, tertiam partem omnium fructuum dictorum beneficiorum non excedentes, seu fructus, redditus, & proventus hujusmodi, usque ad summam praedictam, uni vel pluribus aliis personis ecclesiasticis per eosdem Conclavistas, & eorum singulos nominandis, etiam quaecumque, quocumque, & qualicumque beneficia ecclesiastica obtinentibus, & expectantibus, similiter eis, quoad vixerint, vel eorum procuratoribus legitimis, eisdem modo, & forma quibus eisdem Conclavistis reservata, vel reservati fuerint, etiam absque beneficiis ipsa obtinentium consensu integre persolvendas, seu per eos propria auctoritate persolvendas, exigendas, & levandas, reservare, constituere, concedere, & assignare, libere, & licite valeant, concedimus, & indulgemus. Decernentes ipsas translationes, & novas reservationes, Constitutiones, & assignationes pensionum, seu fructuum, reddituum, & proventuum hujusmodi, plenam roboris firmitatem obtinere. Ipsaque beneficia, super quorum fructibus, redditibus, & proventus reservata fuerint, obtinentes, ad illas persolvendas efficaciter obligatos fore.

Privilegium de non registrandis.

§.10. Necnon eosdem Conclavistas eorumve aliquem ad praesentes literas in Camera praedicta insinuandas, aut admitti, & registrari petendum minime teneri, nec illas, etiam intra tempus legitimum insinuate, admittas, aut registratas non fuerint, minus validas censeri, sed suos plenarios effectus sortiri debere.

Clausula hujus concessionis praeservativa.

§.11. Ac eisdem praesentes, & in eis contenta quaecumque, sub quibusvis revocationibus, suspensionibus, limitationibus, Bull. Rom. Tom. V. Par. I.

modificationibus, decretis, & Constitutionibus Apostolicis similium gratiarum revocatorii, vel quae illas limitarent, aut moderarentur, quae a Nobis, & dicta Sede pro tempore, & ex quibusvis causis etiam urgentissimis, & in favorem fidei, ac divini cultus augmentum etiam consistorialiter, vel alias quavis auctoritate hactenus, vel impo-

Clausula sublata.

§.12. Sicque per quoscumque Judices, & Commissarios in quavis causa, vel instantia, sublata eis, & eorum cuilibet, quavis aliter judicandi, & interpretandi facultate, & auctoritate, judicari, & definiri debere, irritum quoque, & inane, si secus super his a quoquam quavis auctoritate scienter, vel ignoranter contigerit attentari.

Executores deputantur.

§.13. Quocirca mandamus dilectis filiis Rectoribus, & Computatori literarum Apostolicarum Scriptorum, ac aliis, ad quos pertinet, in virtute sanctae obedientiae, & sub poena indignationis nostrae, ut literas Apostolicas super praemissis omnibus, & singulis, tam conjunctim, quam divisim, ac pro singulis, quibus concessa sint, & scriptum, ac separatim, cum omnibus, & quibuscumque derogationibus, decretis, & clausulis in eis contentis, gratis de mandato nostro ubique in omnibus officis, etiam Abbreviatorum, Sollicitatorum, Secretariorum, plumbique, & Registri, absque alia pecuniarum exactione, etiam per viam compositionis faciendam, omni contradictione, & dilacione cessantibus, signent, expediant, & expediri faciant. Necnon Venerabilibus fratribus Americis, & Camerinensibus Episcopis, ac dilecto filio Curiae causarum Camerae Apostolicae generali Auditori, quatenus ipsi, vel duo, aut unus eorum, per se, vel alium, seu alios, literas praedictas, ac omnia, & singula in eis contenta, ubi, & quando expedierint, ac quoties pro parte dictorum Conclavistarum, seu alicujus eorum fuerint requisiti, solemniter publicantes, eisque in praemissis efficacis defensionis praesidio assistentes, faciant literas, & in eis contenta hujusmodi, inviolabiliter observari. Non permittentes Conclavistas praedictos per quoscumque desuper quomodolibet impediri, seu molestari. Contradictores per censuras ecclesiasticas, appellatione postposita, compescendo.

Derogatio contratiocum.

§.14. Non obstantibus praemissis, ac de certo Notariorum numero, etiam si ad illud nondum devenit sit, cui per hoc alias non intendimus derogare, ac nostra de praestando consensu in pensionibus, nec non pie memoriae Pii Papae IV., de similibus, vel dissimilibus gratis in dicta Camera infra tres menses praesentandis, & registrandis, ac recolenda memoriae Pii V. Praedecessorum nostrorum contra illegitimos, necnon Piacentini Concilii, ac aliis Apostolicis in Universalibus, & Provincialibus, ac Synodalibus Conciliis editis, specialibus vel generalibus Constitutionibus, & Ordinatio-

nibus, necnon Ecclesiarum, Monasteriorum, Hospitalium, Ordinum, & Militiarum, ac etiam Urbis, aliarumque Civitatum, Oppidorum, & Terrarum, necnon Camerae praedictae, & quarumcumque Universitatum, etiam juramento, confirmatione Apostolica, vel quavis firmitate alia roboratis statutis, & consuetudinibus, stabilimentis, usibus, naturis, decretis, & etiam novis reformationibus, necnon etiam legibus, tam Pontificiis, quam Imperialibus, Regiis, & Ducalibus, ac etiam sacris canonibus, privilegiis quoque, indultis, & literis Apostolicis Superioribus, & personis, ac locis quibuscumque in genere, vel in specie, sub quibuscumque tenoribus, & formis, necnon derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis decretis, etiam vim contractus, & statuti perpetui continentibus, ac etiam motu proprio, & ex certa scientia, ac de Apostolica potestate plenitudine, ac consistorialiter, & alias in contrarium quomodolibet concessis, approbatis, & innovatis. Quibus omnibus, & singulis, etiam si de illis, illorumque totis tenoribus specialis, specifica, expressa, & individua, non autem per clausulas generales idem importantes, mentio, seu quavis alia expressio habenda foret, illorum tenores praesentibus pro expressis habentes, illis alias in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque. Volumus autem quod Sacrista, & Magistri Coeremoniarum Cappellae nostrae, ac Medici, ceterique omnes, & singuli, qui etiam in ipso Conclavi, Nobis, & Cardinalibus, aut Cappellae praedictae inserviando interfuerunt, quibuscumque privilegiis, & facultatibus per praesentes concessis, ad quae habiles, & idonei, a tribus Cardinalibus praedictis iudicati fuerint, gaudeant, & sub illis comprehendi debeant.

Fides transumptorum.
D.P. An. I. die 9. Nov. 1592.

§.15. Quodque praesentium transumptis etiam impressis &c.
Datum Romae apud S. Petrum, anno Incarnationis Dominicae millesimo quingentesimo nonagesimo secundo, quinto Id. Novembris, Pontificatus nostri Anno I.

XLIV.

Approbatio, novaque concessio facultatis Fratrum Ordinis B. Mariae de Mercede Redemptionis Captivorum, in diebus S. Catherinae, ac Cinerum, & Coenae Domini, generalem faciendi benedictionem, & absolutionem.

Hujus absolutionis, & benedictionis formam praescripsit, & etiam in die S. Antonii, & S. Laurentii fieri permisit hic idem Pont. infr. Const. Cum nos.

CLEMENS PAPA VIII.
Ad perpetuam rei memoriam.

Exordium.

Infirmam aevi conditio sepe efficit, ut res, vel maxime nobiles, ex hominum memoria sensim excidant.

§.1. Quo genere incommodi, Ordo B. Mariae de Mercede Redemptionis Captivorum effectus esse dicitur in hoc more antiquissimo ab immemorabili tempore observato, videlicet, quod ipsa Religio potest in diebus S. Catherinae Virginis, & Martyris, & Cinerum, & Coenae Domini, omnes tam Religiosos, quam seculares, nimirum in Ecclesia praesentes, & genuflexos, post confessionem a Sacerdote coram omnibus recitatum de more absolvere, & benedicere, ut etiam aliae Religiones facere consueverunt.

§.2. Sed quia hoc solum ex traditione observatur, & nescitur, a quo Romano Pontifice sit hujusmodi facultas absolvendi dictae Religioni concessa, eo quod tractu temporis, & literae Apostolicae, & alia chirographa dictae Religioni fuerint deperdita.

§.3. Nos de consilio venerabilium fratrum nostrorum S. R. E. Cardinalium super statu Regularium deputatorum, ac supplicationibus dilecti filii Magistri Petri Machado Provincialis Provinciae Castellae dicti Ordinis in hac parte inclinati, hanc facultatem praevia dicta confessione, ut praefertur, de more a Sacerdote coram omnibus recitata, absolvendi, & benedicendi omnes praesentes, tam Religiosos, quam seculares, dictis diebus, generalem, & inveteratam, Apostolica auctoritate tenore praesentium approbamus, & confirmamus, & eidem Religioni, quatenus opus sit de novo concedimus.

§.4. Non obstantibus Constitutionibus, & Ordinationibus Apostolicis, ceterisque contrariis quibuscumque.

§.5. Volumus autem, quod praesentium transumptis manu alicujus Notarii publici subscriptis, & sigillo personae in dignitate ecclesiastica constitutae ob signatis, eadem prorsus fides in iudicio, & extra illud adhibeatur, quae adhiberetur eidem praesentibus, si forent exhibitae, vel ostensa.

Datum Romae apud S. Petrum sub Anulo Piscatoris die 20. Novembris 1592, Pontificatus nostri Anno I.

XLV.

Indultum Administratori pro tempore Militiarum Jesu Christi, S. Jacobi, & de Avis conferendi bona dictarum Militiarum, quae annum redditum 100. scutorum non excedunt non Militibus.

Charissime in Christo Filio nostro Philippo, Portugalliae, & Algarbiorum Regi Catholico.

CLEMENS PAPA VIII.

Charissime in Christo Fili noster salutem, & Apostolicam benedictionem.

§.1. **E**xpositum Nobis nuper fuit Majestatis tuae nomine, quod licet dudum fel. rec. Pius Papa V. Praedecessor noster

Consuetudo Ordinis absolvendi, & benedicendi, statim diebus, omnes Religiosos, & seculares post confessionem.

Ex qua ignoratur a quo Pont. ista facultas fuit Ordini concessa.

Ideo ab isto Pont. approbatur, & de novo conceditur.

Quibuscumque non obstantibus.

Exemplorum Bullae fides.

D.P. A.I. die 20. Nov. 92

Ex Reg. in Ser. Brv.

Pius V. bona harum Abbatiarum non nisi eorumdem

ster ad clare mem. Sebastiani Portugalliae, & Algarbiorum Regis instantiam, & supplicationem per suas literas 23. Maii 1568. expeditas constituerit, & ordinaverit, quod nulla bona cujusvis qualitatis, & valoris existentia, ad aliquas ex Militiis Jesu Christi, S. Jacobi, & de Avis in dictis Regnis institutis, quarum tunc ipse Sebastianus Rex perpetuus Apostolica auctoritate deputatus Administrator existeret, spectantia, & pertinentia alicui personae, sive ad vitam, sive ad plures generationes conferrentur, nisi cum habitu illius Militiae, cujus bona conferenda essent, ac alias, prout latius in praedictis literis continetur.

Hae prohibito difficile exequi potuit

Clemens Pii Literas in bonis annis redditus 100. sc. exsequendas esse declarat.

Bona vero minoris valoris per dd. Militiarum Administratores etiam non Militibus posse concedi.

Derogatio contrarium

§.2. Praedicta tamen literae ob nonnullas difficultates, sicut in omnibus plenarium effectum sortitae non fuerunt, nuncque multo minus adimpleri possunt, cum sint in dictis Militiis aliqua bona, seu proprietates ita tenues, & parvi redditus, ut ad commodum cujusvis Militis sustentationem minime sufficiant, ac propterea ad eorumdem bonorum titulum, quilibet habitu praedictarum Militiarum insigniri absque maximo illarum contemptu non potest. Quare Nobis ejusdem Majestatis tuae nomine fuit humiliter supplicatum, quatenus in praemissis de opportuno aliquo remedio providere de benignitate Apostolica dignaremur.

§.3. Nos igitur honestis votis tuis, quantum cum Domino possumus, benigne annuere cupientes, ac praedictarum Pii Praedecessoris literarum tenores praesentibus pro expressis habentes, hujusmodi supplicationibus inclinati, eandem Pii literas in hac parte ita moderamus, ut tantummodo in iis bonis, & redditibus, quae jam in titulos Commendarum erecta sunt, & Commendae nominantur, & habentur, necnon in Guberniis, & Tenentiis, quae Alcaydarias maiores dicuntur, aliisque bonis, redditibus, & juribus, quae valorem annum centum scutorum Cruciatorum nuncupat. excedunt, & ad praedictos Ordines, & Militias spectant, locum habeant, ita ut haec nulli, qui non sit habitu illius Militiae, ad quam bona hujusmodi respective spectant, conferri possint.

§.4. Cetera vero bona, proprietates, & jura eorumdem Militiarum, dummodo valorem annum centum scutorum non excedant, Majestatis tuae moderni ipsarum Militiarum Apostolica similiter auctoritate deputati Administratoris, tuorumque successorum illarum Administratorum pro tempore arbitrio, vel cum habitu Militiae ad quem spectabunt, vel sine eo, prout tibi, & illis magis expedire videbitur, concedi, & conferri possint. Sicque Majestati tuae, & Successoribus praedictis in perpetuum praesentes indulgemus, ac plenam facultatem concedimus.

§.5. Non obstantibus literis praedictis, ac omnibus, & singulis in eis contentis clausulis, etiam derogatoriis derogatoriis, aliisque efficacioribus, efficacissimis, & insolitis, irritantibusque, & aliis decretis, nec non quibuscumque Constitutionibus, Bull. Rom. Tom. V. Par. I.

& Ordinationibus Apostolicis, dictarumque Militiarum, & cujusvis earum juramento, confirmatione Apostolica, vel quavis firmitate alia roboratis statutis, consuetudinibus, stabilimentis, usibus, & naturis, privilegiis quoque, indultis, & literis Apostolicis in contrarium praemissorum quomodolibet concessis, confirmatis, & innovatis &c.

Datum Romae apud S. Petrum sub Anulo Piscatoris die 21. Novembris 1592, Pontificatus nostri Anno I.

Dat. die 21. Novem. 1592. An. I.

XLVI.

Institutio Orationis Quadragenta horarum, alternatim, & jugiter habenda, in Ecclesiis, & Piiis Locis Almae Urbis, ad praescriptam Ecclesiarum, & temporis distributionem, cum indulgentiarum concessione.

CLEMENS EPISCOPUS SERVUS SERVORUM DEI

Dilectis filiis Clero, & Populo Romano, salutem, & Apostolicam benedictionem.

Gaves, & diuturna Christianae Reipublicae calamitates, quae peccatis promerentibus, quotidie magis ingravescunt, pastorem sollicitudinem nostram, quam universae Ecclesiae debemus, assidue commovent, magno sane cum doloris sensu praesentium malorum, & impendentium periculorum motu, sed praecipue cor nostrum, & paterna viscera nostra transigit luctuosus status nobilissimi, & olim floridissimi Galliae Regni, quod tot jam annos summa rerum perturbatione, & omnium malorum acerbitate conflictatur, serpunt in dies latius haeresum incendia, jamque patri furore inflammata Sanctae Ecclesiae inimici hinc haeretici, inde Turcae cervicibus nostris propriis imminet, plane ut manifeste omnibus appareat, ad tam multa incommoda repellenda inanem esse omnem operam hominum, inanes labores, & imbecilles vires, nisi coelestis gratiae auxilio roborentur, quod ut consequi possimus, confugiamus necesse est ad illam desideriorum nostrorum fidelem internuntiam, atque interpretem, & bonorum omnium conciliatricem orationem, quae ex corde humili, & animo contrito emissa coelos penetrat, iram Dei mitigat, plagas, & flagella avertit, & divinae misericordiae impetrat abundantiam: est enim, ut sancti Patres illam vocant, clavis coeli, & cum ascendit Oratio, descendit Dei misericordia, & quidem tanto facilius, & uberius descendit, quanto major fidelium, ac piorum multitudo in uno charitatis spiritu copulata continuatas adhibet preces.

Causa hujus Constitutionis.

§.1. Quare memores verbi Domini, quod est apud Sanctum Prophetam: Invoca, inquit, me in die tribulationis, eruam te, & honorificabis me: statim ad placandum Deum, ut avertatur ira ejus a populo

Institutio Orationis de qua in rubrica.